



UNIVERSITÄTS-
BIBLIOTHEK
PADERBORN

Horologium Spirituale Scholasticorum Societatis Jesu

Dirckinck, Johann

[Osnabrugi, 1696

Legendi Librum spiritualem.

Nutzungsbedingungen

[urn:nbn:de:hbz:466:1-55025](https://nbn-resolving.org/urn:nbn:de:hbz:466:1-55025)

Praxis II. Legendi librum spiritualem. 207
obedientiæ III. *Et verbum caro factum*
est, & habitavit in nobis & c. Ave Maria.
Renova votum paupertatis.

Oratio.

Gratiam tuam quaesumus Domine, menti-
bis nostris infunde, ut qui Angelo nuntian-
te & c. S. Xaverius experiebatur frequenti
votorum renovatione, mentis suæ, sicut
aquilæ, juventutem renovari. Turfelinus.
L. 1. vitæ c. 5.

PRAXIS II.

Legendi Librum Spiritualem.

Librorum asceticorū lectio est germa-
na soror & adiutrix orationis, est spi-
ritualis animæ cibus & nutrimentum; est
copiosa quædam vena divinarum inspira-
tionum. Quid enim est Scriptura Sacra,
ait S. Gregorius L. 4. *Nisi epistola quædam*
omnipotentis Dei ad Creaturam, qua arcana
sua revelat, & divinam voluntatem suam
aperit? Idem senti de libris à viris Spiritu
S. plenis conscriptis. Atque hinc dictum
tibi crede, quod Apostolus suadet Timo-
theo 1. Tim. 4. *Attende lectioni, ut indies*
juxta regulam, mediam horulam, aut so-
lidum saltem quadrantem eidem impen-
das, observando sequentia. I.

I. Statuto tibi per Superiores tempore, five manè, five à meridie, five vesperi, breviter gratiam pete cum fructu legendi, & intus audiendi, quid in te loquatur Dominus. Quemadmodū enim nos in oratione cum Deo loquimur, sic in lectione Deus loquitur nobiscum.

II. Lectio spiritualis non sit festina, ut historię leguntur, sed cum mora & quiete, ut illustrationi coelesti locus relinquatur. Imitandæ gallinæ, quę haustis aliquot aquę guttis, mox caput in altum erigunt & in cœlum suspiciunt.

III. Libros sacros, ut monet S. Bernardus, eodem spiritu leges, quo sunt conscripti; non spiritu curiositatis & vanitatis, sed charitatis, non ut doctior evadas, magni æstimeris, aut spiritualis habearis, nec præcisè; ut alios doceas, sed ut ipse perfectiùs amare, obedire, ac vivere discas.

IV. Accede ad legendum firmo quodam & ingenuo animi decreto, sequendi inspirationem Divini Spiritūs, in re quacunq; , quam ipse docuerit: sicut qui Epistolam Regis legeret, ut mox responderet, non verbis modò, sed ipso opere. Et
sicut

sicut qui mensæ assidet, non, ut videat cibos, sed ut comedat, eos sibi incorporando. Propterea Ezech. 3. & Apoc. 10. *Angelus non solum librum expandit, sed etiam iussit comedere librum.*

V. Non nimis multa uno eodémque tempore lege, multa enim lectio fatigat, neq; tam reficit, quàm obtundit animum: quemadmodum multa cibi, cum modica masticatione, ingestio nutritioni obest. Et in fine lectionis aliquas veritates selectas in archivio memoriæ repone; ut vel pro ruminacione interdium serviant, igni devotionis fovendo.

VI. Elige autem, libros verè spirituales, non difficiles, non nimis subtiles, non qui curiosè pascant intellectum, sed qui piè inflamment affectum, atq; ad nostrum Institutum sunt accommodati, quales sunt Libri, quos scripsere Pater de Ponte, Carrassa, Lessius, Lancicius, Bellarminus, Jacobus Alvarez, Rodericius, Gaudier, Drexelius, Rosignolius, Crombecius, Nierenbergius, Saint Jure & alii. Quibus addunt variè vitæ nostrorum sanctitate illustrium. Elige, si tibi id permittatur, tales

quales optares te elegisse & legisse in hora mortis, & in extremo iudicio.

VII. Deniq; lectionem claude cū gratiarum actione pro instructione & lumine; ac pro lectorū executione gratiam exerce.

* * * * *

MEDIO VII.

COENA.

PRO hac servient, dicta de prandio: nisi quod hæc moderatior sit & frugalior prandio, ut manè alacrior sis, in surgendo, & ad meditandum aptior.

HORA VII.

Recreatio, ut ad meridiem hora XI.

HORA VIII.

Litania de omnibus Sanctis.

I. **E**St in Societate vetusta piæque consuetudo Litanias hæc recitandi, ut habetur Congr. 9. Dec. 7. Quam ut rite observes, sequentia juvabunt. 1. Animum in recreatione aliquantum distractum, in itinere collige. 2. Genua flectens, simul mente prosterne te coram SSS. Trinitate, innumera Angelorum & Sanctorum multitudine, in regno cœlesti circumdata, & eandem